

समां - 12:25 hrs.

LG –Quaternary Healthcare

उपराज्यपाल मनोज सिन्हा होरें कल श्रीनगर च उच्चे सतह दे सेहत ते शोध सम्मेलन गी सम्बोधित कीता। उ'नें आखेआ जे एह सम्मेलन जम्मू-कश्मीर ते भारत दी सेहत सरबन्धी जातरा च इक महत्वपूर्ण बदलाव ऐ जित्थे साढ़े केन्द्र शासत प्रदेश ते राष्ट्र गी बी सामान्य बवस्था कोला अगगे बधियै माहिराना इलाज ते शोध दी दिशा च अगगे बधना होग ते सबनें बसनीकें दी इनें सेवाएं धोड़ी इक-बरोबर पुज्ज जकीनी बनानी होग। एल.जी होरें इस गल्लै पर जोर पाया जे माहिराना सतह दा इलाज छड़ा बड्डे शैहरें दे बसनीकें तगर गै सीमित नैई रौहना लोड़चदा। उ'नें आखेआ जे एह हर इक नागरिक दा अधिकार ते राष्ट्र दी गरंटी होना लोड़चदा ऐ। श्री सिन्हा होरें आखएआ जे इस धेड़यै गी पूरा करने लेई सबनें सरबन्धत धड़ें निजी अस्पतालें ते शोध केन्द्रें दा सैहयोग अत्त लाजमी ऐ।

LG –NITI Aayog

नीति आयोग दे सदस्य डाक्टर एम. श्रीनिवास होरें नीति आयोग थमां सीनियर ऐहलकारें दी इक टीम दे कन्नै कल श्रीनगर आहले लोकभवन जाइयै उपराज्यपाल मनोज सिन्हा हुंदेनै मलाटी कीती। डाक्टर श्रीनिवास ते नीति आयोग दी टीमै इस मौके उप्पर जम्मू-कश्मीर दे विकास बाददे सरबन्धी म्हौल दा इक व्यापक आंकलन पेश करदे होई टकोहदी

उपलब्धिएं, बकख-बकख महत्वपूर्ण खेतरें बशकार बित्थ ते प्रदेश दे तरक्की-बाद्दे गी होर
रफ्तार देने सरबंधी मामलें उप्परलोऽ पाई। जेहड़े खेतरें दा व्यापक आंकलन पेश कीता
गेआ उं'दे च मनुकखी संसाधनें दे विकास, आर्थिक मौके पैदा करने ते ढांचागत विकास
आहले खेतरे मुख न। एल.जी होरें बकख-बकख खेतरें दा व्यापक आंकलन पेश करने लेई
टीम दे जतनें दी सराहना करदे होई हाल दे ब'रें दरान जम्मू-कश्मीर च कीते गेदे विकास-
बाद्दे सरबंधी हीलें बारै बी जानकारी उं'दे कन्नै सांझी कीती।

<><><><><><>

LG -JFF

जम्मू फिल्म फेस्टिवल दे डरक्टर रोहित भट्ट होरें कल उपराज्यपाल मनोज सिन्हा हुं'दे
कन्नै मिलियै उनें'गी औंदी 28 ते 29 सितम्बर गी जम्मूच आयोजित होने आहले जम्मू
फिल्म फेस्टिवल दे 5में संस्करण दे बारै च जानकारीदिती। इस मौके उ'नें एलजी होरें'गी
दस्सेआ जे जम्मू फिल्म फेस्टिवल दे इस 5में संस्करण लेई 35एं मुखें थमां 210
फिल्मां हासल होई दिआं न। ताल आहली प्रक्रिया दे दरान कुल 16एं मुखें दिएं 41
फिल्में गी स्क्रीनिंग लेई चुनेआ गेदा ऐ। एहदे अलावा इक बशेश इलाकाई सैक्शन आहली
बकखरी बवस्था दे तैहत जम्मू-कश्मीर दिएं 12एं इलाकाई फिल्में दी स्क्रीनिंग बी इस
उत्सव दरान कीती जाहग।

<><><><><><>

Poonch Accident

पुंछ जिले दी सुरनकोट तहसील च पेश आए दे इक सिड़क हादसे च 6 लोकें दी मौत होई गेई ते त्रै होर घायल होए न। पुलस मूजब इक लौहकी गड़्डी Shindra कश हादसे दा शिकार होई गेई। एह गड़्डी सिड़क थमां रुलकिए डूंगी खाई च जाई पेई। एह लोक Seri Chowana Top इलाके च जा'रदे हे।

<><><><><><>

LG- CM Condolences

उपराज्यपाल मनोज सिन्हा ते मुखमंत्री उमर अब्दुल्ला होरें पुंछ च पेश आए दे सिड़क हादसे पर दुख ते बसोस जाहिर कीता ऐ। सोशल मीडिया पर कीती गेदी बक्ख-बक्ख पोस्टें च उपराज्यपाल ते मुखमंत्री होरें सौगी परोआरें कन्नै हमदर्दी जताई ते घायलें दे तौले नरोए होने दी कामना कीती। जिला प्रशासन पुंछ गी हिदायत कीती गेई ऐ जे ओह घायलें गी हर संभव सहायता उपलब्ध करोआन ते बेहतर सेहत सुविधा यकीनी बनान।

<><><><><><>

Terror Associates Arrested

कुलगाम जिले दे बुगाम इलाके च सुरक्षाबलें आस्सेआ सांझे तौरा पर चलाए गेदे अभियान दौरान असला- बरुद बरामद कीता गेआ ते इस सरबंध्य च 5 लोकें गी गिरफ्तार कीता गेआ। एह अभियान सांझे तौर पर भारतीय सेना, जम्मू कश्मीर पुलस ते CRPF आस्सेआ चलाया गेआ। इलाके दी घेराबंदी करिए चलाए गेदे सुरक्षाबलें 4 9 एम.एम. पिस्तौला, 4

मैगजिनां, 2 हत्थगोले ते होर दुआ असला बरुद बरामद कीता ऐ। इस सरबंथै च फगड़े गेदे लोकेँ गी पुलस दे हवाले करी दिता गेआ ऐ ते अगड़ी जांच कीती जा'रदी ऐ।

<><><><><><>

Heroin Cartel Busted

नशीले पदार्थे दी रोकथाम सरबंथी ब्यूरो दा आखना ऐ जे बन्ने पारा थमां होने आहले नशीले पदार्थे दी तस्करी आहले मामले च बड़्डी कारवाई तैहत 5 इशारिया 1-6 किलोग्राम नशीले पदार्थे जब्त कीते गे न। इस सरबंथै च त्रै लोकेँ गी गिरफ्तार बी कीता गेआ ऐ। इंदे चा इक मुख् साजिशकर्ता बी दस्सेआ जा'रदा ऐ। शनिवारे इक टकोदी सूह पर कारवाई करदे होई पंजतीर्थी इलाके च इक गड़्डी गी फगड़ेआ। इस सरबंथै च 2 लोकेँ गी बी फगड़ेआ गेआ ऐ। एह नशीले पदार्थे करोड़ें रपे दे दस्से जा'रदे न। फगड़े गेदे दवै लोक उत्तरी कश्मीर दे बारामुला जिले कन्नै सरबंथ रक्खदे न। एदा मुख् साजिशकर्ता जेड़ा जे बारामुला दा गै बसनीक ऐ ते नशीले पदार्थे दी तस्करी करदा ऐ गी सोमवारें लद्दाख थमां गिरफ्तार कीता गेआ हा।

<><><><><><>

Sports Infra –Udhampur

उधमपुर पच्छिम च युवाएं- बच्चें ते वरिष्ठ नागरिकें आस्तै 3 नमें पार्क ते खेड़्ठ मैदान विकसित कीते जा'रदे न। एदे विकसित होने कन्नै मुकामी खेड़्ठें ते होर दुई सरबंथी गतिविधियें गी बढ़ावा थहोग। इनें'गी हल्का विकास फंड राएं 60 लक्ख रपे दी लागत

कन्नै बनाया जा'रदा ऐ। एह परियोजना Omara- Sansoo ते Kambal Danga थाहर 20-20 लक्ख रपे दी लागत कन्नै विकसित कीतियां जाडंन। एदे कन्नै बच्चें ते युवाएं गी खेड्डें ते शारीरिक गतिविधियें लेई सुद्दी थाहर उपलब्ध होग ते वरिश्ठ नागरिकें गी बड्डलै ते संजा दी सैर लेई सुरक्षित जगह हासल होग।

